

Gobierno nobo tin cu traha riba un LIM nobo

RECIENTEMENTE Raad van Advies a publica su conseho pa loke ta formacion di ministerionan relaciona cu e proximo gobierno cu lo asumi responsabilidad gubernamental cu lo ta entre partidonan AVP y Futuro.

E institucion aki ta conseha gobierno pa sigui mantene e cantidad di ministerionan na 7 na luga di 8 y 9 cu tabatin den pasado, caminda no tabatin hustificacion p'esaki.

Segun RvA e unico forma pa logra un miho maneho, uno cu ta dirigi y eficiente, ta rekeri pa partidonan cu ta bay forma un coalicion, tin un vision integral mustrandocu e forma pa logra esaki, ta cu e partidonan envolvi, den e caso aki AVP y Futuro, nan mester tin e mesun vision y c'un maneho cu lo tin di haber cu otro, nan bay hunto den un forma obhetivo pa logra miho resultado.

RvA ta muestra cu pa logra un maneho obhetivo y efectivo, e ta conseha e gobierno nobo di AVP y Futuro, pa presenta un LIM nobo pa 2025 y lo ta na su luga pa busca un forma mediante di un ley concreto, cu den futuro politiconan no por dicidi di cambia e ley aki pa sirbi interes di nan partido y nan politiconan.

Loke e rapport di RvA ta muestra cu mientras cu Gabinetenan Wever Croes I y II a insisti riba integridad den gobernacion di e pais, e institucion menciona ta papia di manipulacionnan cu den cierto sentido ta cuadra hopi cu manipulacionnan administrativo cu a crea situacionnan incorrecto.

Aunke no ta denuncia esunnan cu a crea espacio pa manipulacion administrativo, por muestra cu e cambionan cu ta tuma luga cu e LIM, cu ta Landsverordening Indeling Ministeries, a percura p'e proceso di supervision no

a funciona manera tabata necesario.

Esaki consecuentemente a habri caminda pa manipulacionnan tuma luga manera entre otro e fundacion cu ta duna subsidio na organisacionnan deportivo, caminda aña pasa a surgi y cu a conduci na retiro di Minister di Deporte.

RvA ta boga pa un miho reparticion di

e ministerionan p'asina elimina cualkier contratiempo cu por a surgi den pasado despues cu a cambia e LIM cu ta atende cu esakinan.

E conseho di RvA ta un mensahe directo n'e coalicion nobo cu lo ser forma pa partido AVP y Futuro caminda ya caba a tuma e decision pa reduci e cantidad di ministerionan di ocho pa shete ministerio.



Beauty Bar
by Jen

+297 730 1486
SABANA BLANCO 40
ORANJESTAD, ARUBA



Beauty Bar

P.M.U &
LASH ARTIST

By JEN

Specialised in

Brows, lips & Eyeliner ♦ Pedicure ♦ Microblading

♦ Powderbrows ♦ Threading ♦ Brow Lamination

♦ Lip pigmentation & blush ♦ Eyeliner

 Beauty Bar by Jen
  beautybar_byjen